

18.11.2022թ.

ք. Երևան

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՈՐՈՇՈՒՄ թիվ 498913/09

ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա. Մնացականյանս, քննելով վարչական իրավախախտման վերաբերյալ թիվ 38/68 գործը և ուսումնասիրելով վարչական իրավախախտման վերաբերյալ 15.11.2022 թվականի թիվ արձանագրությունը,

ՊԱՐԶԵՑԻ

«ՈՍՇԻՆ-Է» ՍՊԸ-ի տնօրեն Վարդան Առաքելյանը (ՀՎՀՀ՝ 04240375, հասցե՝ Արարատի մարզ, Վեդի, Խանջյան փող. 22) ՀՀ հարկային օրենսգրքի 156-րդ հոդվածի 1-ին մասով սահմանված ժամկետում հարկային մարմին չի ներկայացրել 2022թ.-ի օգոստոս ամսվա եկամտային հարկի հաշվարկը, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասով:

Պատշաճ ծանուցված լինելով արձանագրության կազմման, գործի քննության վայրի և ժամանակի մասին, ակտի հասցեատերը չի ներկայացել: Գործում առարկություն կամ բացատրություն առկա չէ:

ՀՀ ՊԵԿ տեղեկատվական համակարգում առկա տվյալների ուսումնասիրության արդյունքում պարզվել է, որ Վարդան Առաքելյանի կողմից 2022թ.-ի օգոստոս ամսվա եկամտային հարկի հաշվարկը ներկայացվել է ՀՀ հարկային օրենսգրքի 156-րդ հոդվածի 1-ին մասով սահմանված ժամկետից ուշ՝ 20.10.2022թ.-ին, որից առաջացած եկամտային հարկի գումարը կազմել է ընդամենը 20.000 ՀՀ դրամ:

Հաշվի առնելով վերոգրյալը և նկատի ունենալով, որ 2022թ.-ի օգոստոս ամսվա եկամտային հարկի հաշվարկը ներկայացվել է, ինչպես նաև եկամտային հարկի հաշվարկից առաջացած հարկի գումարը կազմել է ընդամենը 20.000 ՀՀ դրամ և վարչական իրավախախտումը նվազ նշանակություն ունի, ուստի ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 21-րդ հոդվածով, 244², 281 հոդվածներով և 282 հոդվածի 1-ին մասի 2-րդ կետով, «Վարչարարության հիմունքների և վարչական վարույթի մասին» ՀՀ օրենքի 8-րդ հոդվածով՝

ՈՐՈՇԵՑԻ

1. Վարդան Առաքելյանին ազատել վարչական պատասխանատվությունից և հայտարարել բանավոր դիտողություն:
2. Վարդան Առաքելյանի վերաբերյալ հարուցված թիվ _____ վարչական վարույթը կարճել:

ՀՀ ՊԵԿ ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա. ՄՆԱՑԱԿԱՆՅԱՆ



Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝ Վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ (հոդված 40) Վարչական իրավախախտման վերաբերյալ գործի որոշման դեմ գանգատ կարող է տրվել որոշումն հանձնելուց հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագործ մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում: